

REPUBLIKA E KOSOVËS-REPUBLIKA KOSOVA
AGJENCIA KADASTRALE E KOSOVËS-KOSOVSKA KATASTARSKA AGENCIJA
Nr./Br: 01/3488/20
Nr./Eq./Dr./str.:
Data/Datum: 17-11-2020
PRISHTINË-PRISHTINA



AGJENCIA KADASTRALE E KOSOVËS
KOSOVSKA KATASTARSKA AGENCIJA
KOSOVO KADASTRAL AGENCY



REPUBLIKA E KOSOVËS
REPUBLIKA KOSOVA
REPUBLIC OF KOSOVO

REPUBLIKA E KOSOVËS - REPUBLIKA KOSOVA
KËSHILLI PROKURORIAL I KOSOVËS - TUŽILAČKI SAVET KOSOVA
SEKRETARIATI - SEKRETARIJAT
ARKIVA - ARHIVA
17-11-2020
Nr./Br. 162/2020
PRISHTINË - PRISHTINA



KËSHILLI PROKURORIAL I KOSOVËS
TUŽILAČKI SAVET KOSOVA
KOSOVO PROSECUTORIAL COUNCIL

MEMORANDUM BASHKËPUNIMI

NË MES TË

AGJENCISË KADASTRALE TË KOSOVËS

DHE

KËSHILLIT PROKURORIAL TË KOSOVËS

Palët e këtij Memorandumi të Bashkëpunimit, Agjencia Kadastrale e Kosovës (në tekstin e mëtejshëm si “AKK”) dhe Këshilli Prokurorial i Kosovës (në tekstin e mëtejshëm si “Këshilli”), nënshkruajnë këtë Memorandum në bazë të kompetencave të tyre sipas dispozitave të legjislacionit në fuqi. AKK nënshkruan këtë Memorandum Bashkëpunimi në bazë të nenit 4, të Ligjit Nr.04/-L-013 për Kadastër dhe dispozitave të Udhëzimit Administrativ MMPH - Nr.12/19 për ndarjen dhe regjistrimin e parcelës. Ndërsa, Këshilli nënshkruan këtë Memorandum Bashkëpunimi në bazë të nenit 7 paragrafi 1 nënparagrafi 1.23 të Ligjit për Këshillin Prokurorial të Kosovës.

Neni 1 Qëllimi

1. Ky Memorandum ka për qëllim krijimin e bashkëpunimit në mes palëve nënshkruese për qasjen në Regjistrin për të Drejtat në Pronën e Paluajtshme (në tekstin e mëtejshëm si “RDPP”) përmes ueb shërbimeve.
2. AKK dhe Këshilli do të krijojnë Procedura Standarde të Veprimit për ofrimin e shërbimeve ku edhe do të definohet lloji i shërbimeve në nivelin teknik.

Neni 2 Përdorimi i të dhënave

1. AKK përmes këtij Memorandumi vë në dispozicion të dhënat që posedon sipas bashkëpunimit të përcaktuar me këtë Memorandum dhe sipas legjislacionit në fuqi.
2. AKK lejon që përdorimi i të dhënave të mundësohet në nivel leximi dhe printimi përmes ueb shërbimit, i cili është i qasshëm vetëm nga përdorues të autorizuar, me mundësi kërkimi për njësi kadastrale (parcelë, ndërtesë dhe pjesë të ndërtesës) dhe për person.
3. Të dhënat që do t’i shfrytëzojnë personat e autorizuar janë konfidenciale dhe do të përdoren vetëm për qëllime të kësaj marrëveshjeje dhe përmbushjes së obligimeve sipas legjislacionit në fuqi, vetëm për qëllime zyrtare.
4. Përdorimi i këtyre të dhënave për qëllime tjera konsiderohet si keqpërdorim dhe si i tillë do të sanksionohet sipas ligjeve të aplikueshme në Kosovë.

Neni 3 Detyrimet e Agjencisë Kadastrale të Kosovës

1. Për qëllimet e zbatimit të këtij Memorandumi të Bashkëpunimit, AKK:
 - 1.1. Siguron qasje për të gjithë personat e autorizuar, për lexim dhe printim të informatave në RDPP, bazuar në nenin 24 dhe 26, të Ligjit Nr.04/-L-013 për Kadastër, nenit 17, paragrafi 1 dhe 3 të Udhëzimit Administrativ MMPH - Nr.12/19 për ndarjen dhe regjistrimin e parcelës;

- 1.2. Ofron të dhënat nga RDPP përmes ueb shërbimeve duke shfrytëzuar bazën elektronike të sistemeve digjitale;
- 1.3. Cakton një zyrtar i cili do të jetë pikë kontakti mes palëve nënshkruese të këtij Memorandumi;
- 1.4. Ofron trajnim për zyrtarët të cilët do të kenë qasje në RDPP përmes ueb shërbimeve;
- 1.5. Nxjerr raporte për shërbimet e dhëna (javore, mujore, vjetore) sipas kërkesës;
- 1.6. Harton dokumentin “Marrëveshja e nivelit të shërbimit” si udhëzues për mënyrën e përdorimit të ueb shërbimeve si dhe llojet e shërbimeve që do të ofrohen;
- 1.7. Siguron që të dhënat që i ofron do të jenë të përditësuara dhe të qasshme në çdo kohë.

Neni 4 **Detyrimet e Këshillit Prokurorial të Kosovës**

1. Për qëllimet e zbatimit të këtij Memorandumi të Bashkëpunimit, Këshilli:
 - 1.1. Ofron në dispozicion të AKK-së listën e personave të autorizuar të cilët do të kenë qasje në RDPP përmes ueb shërbimeve;
 - 1.2. Kryen përgatitjet teknike të nevojshme për qasje në RDPP përmes ueb shërbimit;
 - 1.3. Cakton një zyrtar kontaktues sa i përket kërkesave për hapjen/mbylljen e llogarive të përdoruesve, mbikëqyrjen e sigurisë dhe çështjeve tjera të lidhura me qasjen dhe përdorimin e të dhënave përmes ueb shërbimeve nga RDPP.
2. Personi i autorizuar nga Këshilli obligohet të:
 - 2.1. ruaj fshehtësinë dhe të mbajë të sigurt të dhënat e marra-shikuara nga RDPP dhe
 - 2.2. mbajë evidencën e raporteve të punës në sistemin e AKK-së.

Neni 5 **Kushtet Financiare**

Zbatimi i këtij Memorandumi nuk krijon obligime financiare për palët. Sidoqoftë, në rast të shpenzimeve eventuale, secili institucion, në mënyrë të pavarur, do të mbulojë koston financiare për realizimin e këtij Memorandumi për Bashkëpunim, përveç nëse nuk është përcaktuar ndryshe me ndonjë dispozitë të veçantë.

Neni 6 **Zbatimi**

1. Palët pajtohen se do të kujdesen për zbatimin me përkushtim dhe përpikmëri të këtij Memorandumi.
2. Modalitetet e ofrimit të të dhënave do të përcaktohen më në detaje në mes AKK-së dhe Këshillit pas nënshkrimit të kësaj marrëveshjeje, përmes grupeve teknike të themeluara në

mes të dy institucioneve, duke marrë parasysh kërkesat e të dy palëve për sigurinë e parandalimit të keqpërdorimit të të dhënave.

Neni 7 **Dispozitat përfundimtare**

1. Ky Memorandum mund të plotësohet dhe të ndryshohet në çdo kohë me pajtimin e palëve nënshkruese përmes një njoftimi paraprak me shkrim.
2. Bashkëpunimi sipas këtij Memorandumi do të bëhet përmes formave të rregullta të komunikimit zyrtar ndërinstitucional. Palët zotohen se do të zbatojnë vullnetarisht dhe në kushte mirëbesimi këtë Memorandum ashtu siç parashihet. Mosmarrëveshjet eventuale zgjidhen me mirëkuptim.
3. Shfuqizimi në mënyrë të njëanshme i këtij Memorandumi mund të bëhet në çdo kohë nga të dyja palët, por duke lajmëruar me shkrim 30 ditë më parë palën tjetër.

Neni 8 **Hyrja në fuqi dhe nënshkrimi**

1. Ky Memorandum Bashkëpunimi nënshkruhet për një kohë të pacaktuar, ndërsa hyn në fuqi ditën e nënshkrimit.
2. Memorandumi i Bashkëpunimit është i përgatitur në gjuhën shqipe, në 2 (dy) kopje origjinale, nga 1 (një) kopje origjinale për secilën palë.

Data dhe vendi i nënshkrimit të këtij Memorandumi të Bashkëpunimit:

Prishtinë, 17, 11, 2020

Në emër të:

Agjencisë Kadastrale të Kosovës

z. Ayni AHMETI

Ayni Ahmeti
Drejtor Ekzekutiv



Në emër të:

Këshillit Prokurorial të Kosovës

z. Bahri Hyseni

Bahri Hyseni
Kryesues

